

民國七年十一月三十日

人道教育

交通部上海工業專門學校學生團印行

MG
D693.66
273.



3 1796 9789 5

人道教育弁言

嗚呼。處今世而言人道。淪胥極矣。古之爲人也。將以判人禽而二之也。今之爲人也。惟恐不
合人禽而一之也。是誰之責乎。其教育者之責乎。言教育而不主人道。其能立於共和之世
乎。孟子曰。人能充無欲害人之心而仁。不可勝用矣。人能充無穿窬之心而義。不可勝用矣。
孟子生戰國。知仁義之與世鑿柄也。則以無害人無穿窬先之無害人無穿窬人道也。又曰。
爭地以戰。殺人盈野。爭城以戰。殺人盈城。我能爲君約與國戰。必克。今之所謂良臣。古之所
謂民賊也。此皆維持人道之言也。人道晦蒙。窮兵黷武者。流方且嗜殺。以爲快。嗚呼。吾民流
離顛沛。輾轉溝壑之狀。彼不得而知也。嗚呼。吾民折臂焚身。沈溺自縊之慘。彼不得而見也。
嗚呼。吾民憤慨歎息。宛轉哀呼之聲。彼不得而聞也。嗚呼。吾民賣男鬻女。破產蕩家之痛。彼
更無所動於中也。若是者何也。由其本心之昧於人道也。然而兵者火也。弗戢將自焚也。不
於其身必於其子孫也。無論古今中外。其道一也。是故人羣有強弱。而人道則處於最強也。
人事有勝敗。而人道則處於必勝也。子思子曰。率性之謂道。修道之謂教。孟子曰。仁也者。人
也。合而言之道也。蓋吾國固首以人道爲教者也。余向主人格教育。旣而思之。人道無存於

人格乎。何有。爰常聚諸同學。晤對一堂。與之析仁義之功用。論人道之本原。發揚孔孟之精蘊。諸同學莫不渙然心得。怡然理順。然後知人道之不絕於天下。而吾國之必可以振興。蓋無疑也。夫博施濟衆救世仁民。其言非瓠落也。要在於少之時。培養其不忍之心。俾其悱惻纏綿之意。有感而即發。此孟子所謂苟得其養。無物不長。先立乎其大者。則生機洋溢乎天下。人道有不大明於天下者乎。是非教育者之責乎。今秋諸同學發起湘賑會。冬復發起歐戰協濟會。仁囊之解紛。如將伯之呼不絕。諸同學咸爲文以記其事。余披閱之作。而歎曰。是卽余所謂人道教育。今其效果已萌芽乎。如是而推之於他校。推之於他省。更推之於他界。則吾中國人道庶幾其修明乎。是余所馨香以祝之者乎。唐文治蔚芝甫識。

哀歐戰賦

朱叔子

試登崑崙西望平原。山脈縈骨。河流斂魂。尸填日窟。血染月根。天關憤涌。地軸冤噴。雲慘慘兮。巴箨之島風蕭蕭兮。來茵之潰鳥飛影戢。獸嗥聲吞魚噉之林。集焦爛蟻封之墟。市毀焚。萬里朱殷滌原。盪村客指告余曰。此歐戰場也。當夫四五年。前雲帆風馬。玉局金歐。葳蕤林麓。錯雜田疇。名區基布。殷埠星稠。於時百貨山積。萬商水流。都邑相望。壤地各守。戶騰謳歌。里成蕃阜。跨襟帶於奧。非運指掌於亞美。柏林則戶日殷。閩巴黎則市場邇。迤倫敦則人可。

駕肩維也。納則車不方軌。槃敦雲霧。養琛波瀾。長子育孫。移民植地。草木之遇。陽春魚龍之嬉。海水自十字軍罷。普法戰已近百年來。全洲無事。碩儒發商戰之精理。賢相棄鐵血之主義。毛奇無預於甲兵。惠靈吞不論於將帥。星軺之使。既多於鯽魚。露舶之番。又聚如羶蟻。璀璨成時代之黃金。和平底文明之極。則奈何。雄心忽起。劫運頓開。九關天動。兩軸地摧。勢如疾電。氣若奔雷。盪厓裂石。飛塵揚灰。始波迅而箭激。終火發而颺回。巨礮之轟。則林薙而山墮也。潛艇之擊。則澗颺而磊磊也。飛機之下射。則城邑化塵埃也。毒燄之狂噴。則金碧爲灰矣。也。攻堅之銳。則血肉糜於利鎚也。掃海之勇。則肢體殉夫傾梳也。水響炎而懷憤。山怒慄而銜哀。爾迺川原爲焦。林麓如赭。野積膏流。草殷血灑。日光薄兮。頽垣霜氣。稜兮。碎瓦校戰。名城鑿兵。大野死沒。生殘子孤。婦寡封港。食艱有隕。如瀉。包圍援絕。有命難借。恆河之數。蟲沙是化。大洋爲鑪。全洲爲冶。毒療薰蒸。殺機甜鬪。呼號騰灼。骨飛肉墮。誰其致之。曰。是暴者。嗚呼。噫嘻。雲飛日駁。敗固分崩。勝亦慘贖。私室飲泣。公庭慶祝。日耳曼。儔薩索尼。屬幾處。幾人。望祭宵哭。陸壓零。齒水衝。敗肉白骨。纍纍黃沙漠漠。陰雨悽悽。腥風殺殺。林燼鳥哀。港鎖魚樂。名都奧區。斷垣空矗。叢山複水。餘燼待撲。元氣之傷。何時能復。生民之厄。罹此慘毒。仁風載揚。復我邦族。殘暴鏟除。子遺休喚。我也聞之。中心如割。取鑒歐禍。庶敦亞陸。彼強不支。

汝弱奚酷。大德曰：生野心，毋作國內之爭。尤宜化速，急病讓夷，共輸布粟，庶幾人同邦遊。烏託。

記湘省災民慘狀

蔡其標

嗟乎。老子有言。佳兵不祥。今者三湘七澤之間。受災尤重。校長唐先生發起賑濟會。會同紅十字會沈仲禮先生。於夏初派同事劉君汝梅赴湘放賑。於其歸也。亟叩其所經歷。劉君曰。余初偕阮魏武三君先至長沙。見闐闐蕭條。民皆蹙額。店肆門前多標搶劫。一空暫難開市。之告白。四鄉土匪如毛。良民遭魚肉者。更不可勝計。城中屯兵雖衆。防守未遑。不能勤也。蓋南北兩軍一進一退。雞犬爲之不寧。於是民之脂膏竭矣。鄉氓某性謹愿。資可溫飽。匪威逼之。走告兵隊。兵見其可欺。又有所求。某不勝索。有違言。兵怒。搜其室。得鳥槍。硫藥。執爲質。卽格殺之。嗚呼。民誠不知死所矣。旋分道至衡陽。其地爲吳帥駐守。頗能撫輯。其民市廛尙無慘悴狀。而萑苻蠶起於田間。踐踏之於前。強收之於後。田事荒而民食匱。斗米十金。尤乏糶所。兵災旣烈。加以荒歉。鄉僻之地。焚掠尤甚。山麓草莽間。饑孳腐尸。數見不鮮。婦孺哀號。老弱垂絕。所在皆是。又至衡山。則更慘。不忍覩。南北軍交鋒。四旬餘日。幾成焦土。南嶽之麓。盜匪出沒無常。南與北戰。兵與匪爭。攘擾不休。民不死於匪。卽死於兵。其存者幸耳。而貞女節。

婦死而名不稱者不知萬幾焉。野有殘肢剖腹之尸。何亂世之民命不如螻蟻耶。余聞之酸鼻。更請問於阮魏武三君所言相類。惟寶慶則饑餓而死者較姦掠而死者爲多。裸體而臥血泊之女尸亦較多。慘毒可想。醴陵株州爲礮彈所燬。頽垣燼餘滿目。悲涼子遺之民面無人色。株州遺民僅見十七人。野狗肥滿蒼蠅如蝗。可知死而無辜者多。余聆至此心悲骨酸。不忍再談。嗚呼。陸桴亭先生有言曰。治國者當使民衣食得所。否則亂。今湘民衣食既絕。則亂而已矣。今日爲人道計。宜先措湘民於安全。歷觀史冊。漢以黃巾亂。唐以巢逆滅。明以流寇亡。荒災足以亡國。昭然若揭。今天下瓦解甚矣。民間生計之困。平均計算。大致乞丐居十之三四。流氓雜其中。一旦潰決。焦頭爛額。挽救云晚。何可不早爲之圖哉。此次校長唐先生發起湘賑。已及半載。前後施濟災區。共計銀圓一萬許。麵粉五千包。棉衣二萬五千件。奔走號呼。不遺餘力。然寶慶來函。猶有八十萬災民嗷嗷待哺。則輿薪杯水救濟。匪易。故有本屆遊藝大會。爲災民乞一日之命。吾知仁人君子。知湘省兵災如此之重大。定必踴躍捐輸。則非特災民之咸銘德澤矣。是爲記。

歐戰善後募捐感言

陳壽彝

今日之日。是否我國民酣眠之日。是否我學生沉迷之日。試一環觀區宇。曠視宗邦。昔之轟

轟。隆。隆。集。十。數。國。之。丁。壯。相。搏。於。槍。林。彈。雨。中。者。今。已。倏。焉。告。止。矣。昔。之。堂。堂。正。正。高。自。標。榜。誓。與。友。邦。掃。除。武。力。以。維。人。類。之。安。者。我。政。府。乃。無。一。卒。一。甲。以。爲。前。驅。自。始。及。終。胥。無。綿。力。之。助。焉。則。列。強。其。遂。滿。意。於。此。乎。我。國。民。其。遂。滿。意。於。此。乎。嗚。呼。事。亟。矣。時。迫。矣。人。心。之。死。國。運。之。替。我。政。府。國。民。皆。負。其。咎。矣。雖。然。我。共。和。先。進。之。友。邦。固。不。以。此。而。遽。絕。其。望。於。我。國。民。也。故。義。聲。所。倡。寰。宇。歡。騰。振。其。絕。大。之。雄。心。毅。力。預。募。一。千。七。百。五。十。兆。元。之。鉅。款。以。爲。戰。事。善。後。之。用。而。徵。求。我。國。民。作。涓。滴。之。助。十。萬。或。數。十。萬。元。惟。力。是。視。彼。非。有。所。需。乎。此。涓。滴。也。彼。蓋。將。驗。我。國。民。之。是。否。酣。眠。我。學。生。之。是。否。沉。迷。也。吾。人。試。思。若。并。此。機。會。而。再。逸。則。吾。儕。將。等。於。印。度。非。洲。之。族。將。永。淪。而。不。復。振。矣。然。則。吾。人。日。責。備。於。我。政。府。無。益。也。吾。人。欲。免。友。邦。之。藐。視。不。可。得。也。何。也。吾。人。自。種。其。因。則。必。自。獲。其。果。也。嗚。呼。時。迫。矣。事。亟。矣。我。國。民。苟。不。稍。自。犧。牲。於。今。日。則。來。日。之。犧。牲。正。不。知。其。所。紀。極。矣。邦。人。君。子。奈。何。不。興。

哀湘省兵災步李義山行次西郊韻

朱叔子

午。年。建。戌。月。汎。舟。如。昔。秦。有。客。賑。地。還。歷。盡。沅。湘。濱。城。邑。經。洗。盪。翰。音。不。聞。晨。又。苦。水。潦。漲。途。次。沒。梁。津。高。田。長。檣。櫂。下。田。淪。荆。榛。馬。矢。高。於。廩。牛。骨。堆。空。墩。村。落。遭。焚。毀。空。餘。戰。蹟。存。

盜賊遍山野。饋之如嚴賓。飢民苦攀轅。哀哀災况陳。憶昔著清淑。山川亦懷仁。菰米饋八方。椒糝陳六親。耕田復講學。負羽事四鄰。賢哉中興佐。高義指魯困。東南正荒亂。乞糶來臧孫。奚獨錢布輸。濟濟師武臣。綽纒三湘旗。洞庭奏帝鈞。或則司牧伯。或則主經綸。爾公復爾侯。南陽多功勳。非獨濟國步。亦以康斯民。奈何政體改。中樞惟威尊。南邦亦俶擾。不念弟昆恩。紛紛假虞途。驅策如豕豚。兩方正苦鬪。江水爲之渾。虓闕苦不足。強兵復調邊。君子厄水火。爲化鶴與猿。小人命泥沙。逃亡如彫鳶。饗殮既不給。何力辦犒筵。跳刀肆拍張。怒氣薄蒼旻。縉紳辱嘲叱。氓隸壓彈丸。戰馬繫玉柱。武帳廠華軒。有室不得居。衡岳斷炊煙。有田不得種。沉澧思裳褰。况復苦淫潦。望洋不得前。弱者困沮洳。健者亡山顛。戎臣相犄角。又復懼併吞。但責運輸數。不聞呼籲頻。仁漿自東來。狂走如江翻。十人不得五。枵腹徒援攀。赤立方偃。僂獵獵望旗旛。寒風正凜冽。何以禦艱屯。腸轉復淚箴。共來奉車轡。昔自侯伯裔。生小長高門。邸第遭焚劫。田園賸空村。張口咽朔風。揮淚連秋雲。解下青珊瑚。挾纊如狂奔。問渠何迫促。老病臥柴關。山田在衡麓。未知何日旋。昔也甘肥脆。今也苦熬煎。言罷淚如雨。仍世爲高官。嗷嗷賦鴻澤。孰辨鵠與鸞。亦有菁菁子。羸瘦還臥轅。倉空雀墮晨。壁立鼠喧乞。薪無宿糧。借水乏河源。詩書雜馬糞。校舍惟空垣。流離奔無所。竄身山澤間。分作溝中瘠。尪穉苦臙臙。

哀哉。告飢寒。聲吞不復宣。宛宛有弱女。平居姆則先。於盛復於湘。笥篋貯金錢。盈杼更盈袖。衣裳何處單。湘綠供凝睇。峯青試黛鉛。奈何避山間。爨煙不相聯。辛苦蓄餼糧。亦已禦半年。披蘭帶杜蘅。牽蘿補屋椽。東鄰嫗娟女。狼藉飲戈鋌。但見烽火警。未聞車馬班。坎坷不得活。欲行又遷延。朝雜蠻與獠。暮乞羌與零。音苟其早。知此何用望。安全更有農。與商終歲貢。粒珍一惟勤。動著一惟子。母權國家待之薄。祇自扶其根。近來賦稅重。已苦誅求繁。今復火益熱。水深孰救援。縣令畏方鎮。朝廷委諸藩。呼號雖迫切。賑貸日狂狷。坐令蚩蚩者。駢死誰其憐。本末俱無業。何以解倒懸。衡永兩軍間。蟻賊如黃巾。醴洙百里地。餓莩已累千。今之遮道者。老少相板牽。其餘穉婦輩。拋之無慘顏。風饑與雪虐。又在指顧間。不能禦此冬。安望耕來春。君看垂斃者。孰非是黎元。亦有涪王裔。軍門叩無因。祇能戢士卒。仍未靖煙塵。其餘號除暴。磬室窺。逡巡竊恐有衣食。此輩還奪人。謝客來放賑。願客官路循潭衡。數百里行路。忌黃昏。非獨兵災苦。山賊慣劫焚。客聞此言後。慎重將壺殮。滿目齊黔夫。因人復厄天。餓軀支嚴寒。衣單摧心肝。願爲禱蒼天。叩頭乞帝宸。請緩嚴凝降。吾拚焦此脣。米棉輸億萬。援拯乞將軍。欲陳又復止。此言未樂聞。

歐戰勝利頌有序

薛紹清

維民國七年之冬。協約軍奮鬪於西歐戰場。德軍大敗者。再國人騷動。相與逐其皇而請和焉。十一月九日。戰事停。簽約於巴黎。於是綿延四載之大戰告終。舉凡協約國民。若英若法。若美若意。若中日各國。莫不歡欣鼓舞。以慶祝戰事勝利。余惟今茲結果。固由於協約各國戰士之奮不顧身。以效死於疆場。亦賴國民贊助之熱忱。與夫將軍元帥運籌決策之功。同心一德。以剷除黷武主義。撥雲霧而見天日。幸莫大焉。榮莫甚焉。爰謹爲頌曰。

轟轟大戰。絕古空前。環球震駭。動地驚天。綿延於茲。亦既四年。死亡相繼。百億萬千。履彼西歐。白骨山積。鳥飛不下。羣動歛迹。男子從征。少婦行役。餐風飲露。靡有朝夕。流離顛沛。水熱火深。孰則致是。胡爲相侵。一。二。英雄逞厥野心。天地愁歎。民用呻吟。爰迄今茲。大伸公理。威廉不德。民亦相訾。彼用徹悟。遜位於子。接受條件。干戈息止。戰事底定。人用歡歌。如解嚴寒。以逢陽和。陸則撤防。海不掀波。慶賀勝利。如中狂魔。願祝全球。永無戰事。裁撤國軍。永杜猜忌。勿逞野心。慎辨義利。發揚民權。以大以肆。蓄積道德。致力商工。互相扶助。意氣和融。俾壽而昌。亦富以充。化彼國界。底於大同。

哀湘省兵災文

陳體榮

嗟吾民之運蹇兮。遭茲時之艱難。政多門而糾雜兮。邦杌隉而不要。太阿墜而倒持兮。強藩

起而稱干。痛南北之分裂兮。倏戰雲之瀰漫。惟長江之上游兮。湘中首酷其摧殘。溯茲禍之蔓延兮。實胎源於權利黨人。肆其構扇兮。政客持其異議。紛喧呶而若醉兮。羣咆哮而狂。夙滇桂發難而閉關兮。閩粵追塵而聯轡。爭睥睨於湘垣兮。憑天塹而畫地。緊兩軍之相薄兮。迅決盪而縱橫。或一鼓而旋下兮。或再接再。逾勅星。皆摧爲灰燼兮。蘭澗沒爲榛荆。魚憑城而焚灼兮。鳥失林而哀鳴。赤血凝而湘流壅兮。白骨堆而衡嶽平。矧飽掠以遠颺兮。慘哀怨其誰訴。更淫潦以成災兮。悲徬徨於中露。羌戾氣之所召兮。胡戎首之不悟。雖振撫以煦嫗兮。曾何足慰。其呼籲彼歐戰之延長兮。乃以衛其種族。此湘戰之紛拏兮。實自戕其手足。對外空有悔辭兮。對內不聞修睦。北戒備而設防兮。南乘便而角逐。望九疑之黯淡兮。知禍機之猶伏。恐戰伐之頻仍兮。聞幾家之野哭。觀邑里之蕭條兮。信傷心而慘目。噫吁嘻。列強已媾和兮。彼將行及東亞。兄弟猶圍牆兮。吾不知所稅駕。復統一於和平兮。杜干涉于假借。懍外侮之當禦兮。盍降心以相下。湘山峨峨兮。湘水不波。湘土膺膺兮。湘人婆娑。大局轉圜兮。載戢干戈。天心悔禍兮。庶無薦瘥。反哀爲樂兮。其樂孔多。爲民請命兮。當軸云何。

湘民苦十首有序

沈嗣芳

湘省奇災。哀鴻遍野。凡屬同胞。莫不痾閔。不佞學資之餘。捐輸甚微。中心欠然。因成

爲湘民苦十首。無非欲代湘民呼籲耳。詞之鄙俚。弗遑計已。

湘民苦。地闊天長。無歸處。朝哭江干。點點斑斑。夕宿荒郊。避豺虎。
湘民苦。誰無阿母。誰無父。一旦兵戈。捲地來。可憐轉作溝中侶。
湘民苦。誰無妻子。誰無女。大難臨頭。各顧生子女。分離妻作虜。
湘民苦。不飽鎗彈。赴水府。大浸稽天。不及逃。紛紛齊葬江魚肚。
湘民苦。水災不死。無糧糶。糠粃豈滓甘。如飴求之不獲。空嚼咀。
湘民苦。身無寸布。與絲縷。刮面西風冷。殺人百結。鶉衣無覓處。
湘民苦。苦寒天。若欺貧。窶小閣。圍爐煖。若春途。人縮頸。如龜鼠。
湘民苦。見苦不救。天所怒。無定河邊。白骨多。昔年猶是春閨主。
湘民苦。救苦莫大於施。與七級浮圖。竟屬虛。眼前功德。爲最巨。
湘民苦。好施必獲。上天祐。主人上壽。子孫昌。苦海湘民登彼岸。

弔歐戰

周浩泉

拿翁劫後。戟初沉。刁斗聲聲戰。又深滑鐵路。頭青草。赤萊茵。河畔碧流殷。舟沉釜破。人煙絕。
野闊天陰。鬼火侵滾滾。大洋風浪惡。休將鐵血逞雄心。

湘事雜感

薛紹清

燃。其。煮。豆。實。堪。傷。國。本。飄。搖。偏。自。戕。零。落。山。河。增。感。慨。不。堪。回。首。是。三。湘。
無。端。洪。水。下。湘。天。競。逐。波。臣。劇。可。憐。舊。業。乍。隨。飄。浪。盡。更。堪。擊。鼓。哭。年。年。
寒。風。蕭。瑟。日。西。斜。忍。聽。雛。童。喚。阿。爺。乞。食。他。鄉。真。不。易。不。知。何。處。是。吾。家。
薄。棉。破。絮。過。朝。朝。無。米。難。炊。任。腹。枵。悽。絕。汨。羅。江。水。裏。冤。魂。無。語。夜。迢。迢。

715
KBC
IG
693.66
73